

omnibus spinulis albidis e punctis minutis fusco-ferrugineis nascentibus. Long. ♀ $2\frac{3}{7}$ mm.

Hab. in Algeria (Biskra!), D. Noualhier (Mus. Paris.).

Descr.: Signaturis *Psallo nebuloso* Reut. nonnihil similis, notis genericis mox distinguendus. Caput (♀) basi pronoti circiter $\frac{2}{5}$ angustius, ab antico visum latitudini frontis oculique unico longitudine subaequale, a latere visum altitudine basali circiter $\frac{1}{3}$ brevius, vertice oculo $2\frac{2}{5}$ latiore. Rostrum apice nigro. Antennae articulo secundo margini basali pronoti fere aequae longo, sub-lineari, tertio secundo vix $\frac{1}{4}$ brevior, quarto tertio fere duplo brevior. Pronotum basi longitudine fere duplo et dimidio latiore, apice haec saltem dimidio latiore, lateribus margineque basali rectis, disco versus apicem leviter declivi, callis transversis subochraceis. Scutellum basi ochraceum. Hemielytra (♀) apicem abdominis sat breviter superantia. Femora postica latitudine maxima vix magis quam triplo longiora. Pedes albi, ut superne describitur signati. Tarsi toti albi.

16. *Tuponia tamaricis* Perr.

Var. cunealis Reut.: superne albicans, basi scutelli ochracea vel fusca; clavo externe vel solum apice, corio juxta suturam clavi fasciaque anteapicali nec non macula media cunei ochraceis vel roseis; membrana fumata, venis maculaque ad apicem cunei albidis, vel albida, venis albidis, areola majore versus apicem minoreque fusciscentibus, areolis externe arcu fusciscente cinctis. ♀. A *T. Lethierryi* Reut. statura majore et robustiore mox distinguenda.

Madeira!, D. Fauvel (Mus. Paris.). Algeria (Constantine!), D. Prof. J. Sahlberg (Mus. Helsingfors).